



全蜀文志

和16
2033
20



和 16
2039
20



全蜀執文卷第十四目下 并其

以陳朱雲从起補 吳山漢家亦有在

相繼章記 李何 劉野 趙

慶州都督府記 李助 補 劉野 趙

李 李 李 李 李 李 李 李 李 李

李 李 李 李 李 李 李 李 李 李

李 李 李 李 李 李 李 李 李 李

李 李 李 李 李 李 李 李 李 李

全蜀秩文志卷三十四目下

升菴原本

江陵朱重煥退唐

樂山張汝杰君偉重刊

相墨堂記

宋何鏐

四賢閣記

黃庭堅

夔州都督府記

唐李貽孫

制勝樓記

宋董鉞

夔州重葺
三畝堂記

宋肇

開濟堂小記

何著仲

雲安橘官堂記

重修鹽亭
縣廳廳記李車

漕司高齋堂記

費士幾

長寧重建縣

廳記李駿

巴川社倉記

度正

周洪謨

中江重建縣廳記

明周洪謨

全蜀秩文志

卷三十四目下

讀月草堂

全蜀秩文志卷三十四下升蒼原本

江陵朱雲煥遐唐

安岳譚言藹靜山重校

記乙

相墨堂記

何鏐

君子之風烈其感於人者信遠哉謠岫嶮之碑慨然以思觀延
 陵之銘躍然以喜君子之風烈至於愈遠而彌新既往而如在
 積之者厚矣世之好名刻意從事於浮末其精神心術之運卒
 不能必其著不知君子道德之實充然溢乎中而赫然燭乎外
 天下後世願見不可得往往因其遺跡以起高山景行之思蓋

全蜀秩文志

卷三十四下

記

讀月草堂



所爲感者有出於語言筆墨之外或可推而至也故資政殿學士兼山黃公裳劍陽人篤信力行善友洙泗每謂學者曰君子之學始於修身正心極則與天地爲一是故以道爲主以心體之以經爲學以身臨之涵養純熟推之天下特其餘事先生雖居窮處不求聞知然亦嘗有援天下之志逮事孝祖橫經潛邸代言西掖進司喉舌忠規讜論有人所難言者故大參樓公鑰評之曰先生先見如呂中丞勇決如范蜀公敢言如蘓文忠司馬溫公自以爲不及者公皆過之而得其全當是時兼山之名震天下皇帝卽位虛席登庸曾未踰時大星殞沈而先生不起

參百玖拾玖

矣鑿嘗因是有歎焉夫君子所負者大而不能用或用之不盡若有物以制之蓋於本朝得二人焉明道與先生是也方荆公當國率意更置舉朝正論無一合者惟明道與語心平氣和荆公每爲之動而終不能用先生之學實繼明道且超顯矣而功業亦不克盡見蓋明道無死新法之變不至已甚先生尙存儒學之禁可以無作二先生出處存亡實有關於天下欣戚不幸皆齎志以沒惜哉然君子之於人過其居式其閭思其人愛其身百世在前猶知企慕況手澤之存者近接於耳目之所及寧不寶而藏之乎先生筮仕謾尉壁山後三十有四年嘉定甲戌

之冬鏐長斯邑慨念疇昔嘗執經函丈深辱知愛注目經行之
地人寂山空規恢綱羅聞見開示將領事甫爾未暇也明年春
邑尉宋君出示先生所著詩書數章筆墨蕭散興寄高邁超然
有出塵之姿自先生之去歷尉掾以十數莫或表其事宋君於
是作堂尉解之西偏聚而刻之繪先生之容榜曰相墨堂而屬
鏐記其歲月序先生學術大略爲壁山學者之勸昔山谷跋潘
侯所藏五宰相書能屏却一縣章之比其重之如此
先生逸辭妙墨豈止與此五宰相爭疆而已哉將百載之後山
川鬼神實呵護之可以人之靈而不加鬼神乎先生曩與先君

二

肆百伍拾肆

子及鏐往來之帖因以遺宋君焉書其後數語併刻之左右

四賢閣記

黃庭堅

忠州漢巴郡之臨江墊江縣也其治所在臨江故梁以爲臨州
後周以爲南賓郡唐貞觀八年始爲忠州其地荒遠瘴癘近臣
得罪多出爲刺史司馬故劉尙書以刺史貶一年死陸宣公別
駕貶十年死李忠懿公以刺史居六年白文公以刺史居二年
其後州守以四公俱賢圖像爲四賢閣故相贈司徒鄭州刺史
南華劉晏士安故相贈兵部尙書嘉興陸贄敬輿中書侍郎平
章事贈司徒安邑李吉甫宏憲刑部尙書贈右僕射下邳白居易

易樂天由開元以來訖於會昌四君子相望凜然猶有生氣忠民每以此自負而郡守至者必矜式焉紹聖三年正月知州事營邱王君闢之字聖涂下車問民疾苦曰吏驚而民困故聖涂為州拊養柔良知其飢飽鉏治猾姦幾於傷手治聲翕然邑中豪吏故時受賕舞文弄法者相與謀曰屬且無類即以智籠小駮吏羣訴於部使者聖涂不為變且嘆曰白頭老翁安能碌碌畏吏羞民亦會部使者察其為姦而聖涂治成時休車騎野次咨問故老詠四賢之遺事而三君之政寂寥無聞蓋士安即賜死而敬輿別駕不治民宏憲雖在州六年亦嘿耳樂天由汀州

司馬除刺史為稍遷故為郡最暇豫有聲爾又其在州時詩見傳東樓以宴賓佐西樓以瞰鳴玉溪登龍昌寺以望江南諸山張樂巴子臺以會竹枝歌女東坡種花東澗種柳皆相傳識其處所於是一花一竹皆攷於詩復其舊貫種荔枝數百株移木蓮且十本忠於一時遂異三峽名郡聖涂乃以書誇涪翁曰為我記之涪翁曰聖涂急鱗寡之病使遠方沐浴縣官之澤可謂知務矣掃除四賢之室思欲追配古人可謂樂善矣樂天忠州於今二百七十有九年在官者鯁鯁然常憂瘴癘之病已數日求去故樂天之遺事蕪沒欲盡聖涂齊人也蓋不熟巴峽之風

王又其擊強撥煩材有餘地而晚莫為遠郡守乃敢慨然不倦
興舊起廢使郡中池觀花竹鬱然如元和己亥時追樂天而與
之友聖涂於是賢於人遠矣

四

肆百貳拾柒

夔州都督府記

唐李貽孫

峽中之郡夔為大當春秋為楚之國在秦曰魚復在漢稱固陵
在蜀號巴東皆郡也梁為信州逮我武德復夔之號州始都
督黔巫上下之地十九城是後或總七城或為雲安郡或統峽
中五郡尋復為夔州都督之號或加或去今稱夔州都督府州
初在漢西之平土字文氏建德中王述徙白帝城衙是也東南

列作裂

州作洲

斗上二百七十步得白帝廟白帝公孫述自名也後人因其廟
時享焉巖宇飾隅煥如神功恠樹峰筍疎羅後前嶺山險濤望
者驚貽又有越公堂在廟南而少西隋越公素所為也奇構隆
做內無撐拄負視中吞邈不可度五逾甲子無土木之隙靜而
思之以見其人之瓌傑也自南城一里得巨石為濫與地載之
險此其淵壑獨峰兀頂萬仞峩拔高濤坳狀嶽躍坑轉猛龍護
堆沸沫助瑟反浪窮年絕縷不究其坎瞿唐暗導勢列根屬
水魅施怪陰來潛往城之左五里得鹽泉十四居民煮而利焉
又西而稍南三四里得八陣圖在沙州之壩此諸葛所以示人

全蜀秩文志

卷三十四下 記

讀月草堂

於行兵者也分其列陣隱在石壘春而潦大則沒秋而波滅則露造化之力不能推移所以見作者之能瞿唐驛西有蜀先主宮瀼西有諸葛武侯廟皆占顯勝城東北約二百步有孔子廟在赤甲山之半廟本源乾曜解常為郡參軍著圖經焉其後為宰相今其地又為孔子廟傳者稱為盛事矣東水行一百七里得縣曰巫山神女之廟楚王之祠高唐陽臺之觀朝雲暮雨之府形勢在焉西水行二百里得縣曰雲安商賈之種魚鹽之利蜀都之奇貨南國之金錫而雜聚焉其人豪其俗信鬼神其稅易征即不偷長吏得其道者泣之猶及堂云會昌五年十一月十三日建

制勝樓記

宋董鉞

蜀稱天下至險之國陸有劍門水有瞿峽設為兩關以扼秦楚之衝一夫當關百萬之師眦睨而不敢進五代之亂孟氏盜有其國垂四十年宋宅中土開一統之運而分遣王全斌出秦塞劉光義率楚師水陸竝進而兩關俱不克守俘偽趙於關下顧天命人謀有足勝其險者予嘗客過劍門徘徊周覽切嘆太平之勝而警備闕略及承襲部乏使而瞿峽適在部中其備往往加關略於劍門迺請於朝曰夔州古雲安郡節度臨江軍舊治瞿峽之口景德中詔徙今治距峽口纔八里實據上游宜城夔

以鈐截其險尋既報可會東宮舍人程君德孺來司漕事協濟
其謀大合役於熙寧十年春正月之己巳而考以夏四月之甲
午未幾尙書司門郎王君仲祥繇夷陵選領州牧行闢新城以
規畫餘事得川圃故月臺者屹倚城側因展廣而增崇平接城
面而方楹橫棟經構大備內疏軒檻以還月臺燕遊之舊而外
巖敞具以完壯形勢一日予三人者相與登臨其上四望羣山
參差拱揖於雲烟縹緲之際而紫翠環合以爲女牆之衛而有
白鹽赤甲豆倉勝己臥龍馬嶺之別峭崿凌空而直上斷闕偃
平而平削至於猿蹊鳥徑高下隱顯於荒苔秀蔓之間南顧江

六

肆百叁拾陸

初作於

流遠經益都旁郡而斜引嘉陵之源雜滙以蠻邦獠社澗谷崖
竇奔衝滴瀝之餘而來以東西二瀆以當三面之壕而有三鉤
之鏃八陣龍脊之灘與夫灑瀕馬嶼之變怒聲激石而洶涌晴
影隨波而搖曳至初漁舸商舸往來出沒於窮瀆底淥之側嗚
呼江山之勝不亦盡得之乎是在物者也因而言曰物有勝形
人有勝幾形吾所以致用於周旋指顧之內而幾吾所以應變
於無形不測之外瓊爲一路都會而領州牧者昔用武人近易
文吏乃總一十三郡甲兵盜賊之政蓋當左右全蜀之日而蜀
之郡邑類夷漢雜居而負恃險阻易生姦孽比嘗覘伺罅隙或

肆侵剽今茲隱然有金湯之固將使之聞風望塵而魄散膽落於崎嶇巖箐之下是豈徒得之勝形亦所以得勝幾也宜命之為制勝云二君皆曰然請書而刊諸石元豐元年秋八月戊辰鄱陽董鉞記通議程之元篆額鉅野王廷禧立石

夔州重葺三峽堂記

宋 肇

天下之險莫險於峽江峽江之險莫甚於瞿唐蓋兩川回薄崎嶇萬里繇跨西南諸夷繚遶荒合牂牁越嶲夜郎烏蠻之水小大拜合南北向背始則就下為汙流溼成浸漸至於縈迂之折透迤澎湃其終也瀾漫浩瀚掀騰洶涌咸歸納於江之峽口

者實水之會夫兩山對立萬頃一注故至此而艱難齟齬傾危險側也余以元祐八年五月持節本道同使張塾家父一日相與訪峽中古跡而得舊鎖鑰於故城之南隅其巋然獨存者但頽垣廢址而已因語夔守趙仲逵平父既廣昔構而又易新名其曰三峽堂者西峽巫峽歸峽是也茲堂為巴東小游盡占江之勝然而一有登臨觀覽則景色雲物逡巡而異是皆人情參差不齊故使悲歡憂樂所得未嘗同也請試言其所以方其倚檻憑欄四顧遠眺長江急雨飄風怒號奔走轉石萬壑雷動驚湍駭浪喧騰震掉蛟鱉蜿蜒神恠叱咤若馬陵伏弩之射麗涓

濉水決壅之擊龍且此西游不得意之客方且隕心喪魄失筋
 停杯愕然而嘆也泊至瞬息之間一俯一仰雲煙變滅山川發
 露草花纖濃炳若繪畫松石奇恠旁出雜見巫峰高唐想像髣
 髴襄王恍然而若遇宋玉斐然而成賦此西州行樂之士尙猶
 極目縱觀促席勸飲歡然而笑也迨其濫瀕春深魚復漲綠風
 雨晦冥龍吟其下白鹽赤甲東屯西瀼斷崖奔峭安流逆浪遠
 近相依左右映帶則坐中能詩之流莫不擁鼻拄頰聳肩側身
 浩然而歌也又有沙岨石磧名灘古渡白帝武侯之遺跡永安
 八陣之故處荒煙野草廢宮舊戍遠樹平蕪孤村別浦牧童漁

父棹歌牛唱深林巨谷重巖復嶺懸猿舞鶴飛鳴坐嘯則席上
 多感之客有至搔首撫膺掩袂沾裳泣然而泣也客有謂余曰
 子作三峽堂記而有笑歌嘆泣之說子胡不忘是四者而付之
 一醉彼醉者劉伶阮籍之徒皆所以全其真而名後世者也子
 獨求異於數子乎余曰有是哉今幸不從監河侯貸粟則吾將
 以大江爲飲凡雷雨之朝風月之夕所謂登臨觀覽行且無時
 時而不往也亦不復問其悲歡憂樂之所來一寓諸酒矣尙庶
 幾有以自託於酪酞而屬足二人之列也可矣客曰唯唯元祐
 九年三月朝奉郎充夔州路轉運判官騎都尉賜魚袋宋肇記
 二十九日朝奉郎充夔州路轉運判官騎都尉賜魚袋宋肇記
 全蜀統文志 卷三十四下 記 讀月草堂

開濟堂小記

九

肆百貳拾

何者仲

堂閱歲久垂壓矣淳熙疆圉作噩瀆山何者仲假守舉而新之因訪善本重肖像擲老杜兩朝開濟老臣心之句字堂顏任汾以巫山尉來董事春二月乙亥落成凡用二十有五之力

雲安橘官堂記

李重

雲安漢胸忍縣地隸巴郡故城在縣西三十里按班固地理志有鹽官厥後吏於此者大抵汨汨於貨殖日治鹽筴商較析秋毫獨橘官則廢已久矣三江張子建來爲縣之明年政修民聽於是卽治所之西偏建堂榜之曰橘官亢爽宏緻絕出故常而

圭黍不以煩民又市橘數十本列植於堂下綠葉素榮鬱然可喜至者無不喟前之蕪蕪而愕今之美煥也會于自樞府罷官西歸道所從出艤舟留浹日子建觴予堂上而屬予記今夫官於巴峽之地者以夫飲食之糲惡使令之樸鄙遐晷近矚荒梗而蕭寂則皆有侘傺不自聊之心往往愁居懣處數日而覲去是以見於事爲率鹵莽因循無持久之計政之不舉而民被其患常必繇之夫地有遠近內外然鈞天子之郡邑也有社有民有祿賜以霑飫有徒隸以犇屬則亦何歉之有顧可薄其官而怠於事哉夫人之情苟惟其欲之所自肆雖極耳目之屬猶不

全蜀秩文志

卷三十四下

記

讀月草堂

厭於厥心唯秉德有常不以外物易其守者則隨所遇而安雖
 投之於寂寞之墟內之於荒遐之域彼其中未嘗不超然自得
 也矧惟是邑自後周肇易今名歷隋唐弗改至國朝開寶六年
 始陞為軍建炎中興宣撫使承制迺復軍為縣隸於夔然猶存
 使名故官儀仍備太守之略而時節得以露章自達於朝他邑
 莫得而比也嘗試與子建登斯堂而望見夫崇山複嶺之相繆
 豪滯迅湫之相迓危欄複屋上下而層出來檣去檝倏駛而交
 逝嘉樹挺而奇石峙雲烟蔽虧昏且晦明其變無窮其樂亦無
 涯也聞而謂屈平之頌所謂離世獨立橫而不流者於以思昔

人意之所存豈不遠乎凡所以寓賞心而適曠懷雖通國大都
 壞壯絕特之觀亡以易之又豈止身寄於巴峽也耶蓋子建於
 其一邑之事物焉理之皆各有其序於官征之所急不得而
 已者能有以寬之於世之所忽棄不省者雖一草木之微亦思
 致其意焉而況於民瘼是可嘉也已惟一堂之成似未足記使
 後之人能推子建之意無鄙夷此土而於其職所當為者益知
 盡心焉則民之蒙賜豈有既亭是安可以無傳故予喜為之書
 子建名仲慶元庚申秋九月記

曹司高齋堂記

費士弢

全蜀秩文志

卷三十四下 記

讀月草堂

杜少陵遊蜀凡八稔而在夔者獨三年平生所賦詩見於集凡
千四百六篇而在夔者乃至三百六十有一得非愛其山川奇
壯風俗淳厚故其寄寓之久賦詠之多如是哉然則公雖下巴
峽浮湘衡南遊以死吾意其精爽猶往來於夔子國中也嘗
詩考之其在夔也始寓白帝城繼下瀼西居後乃移於東屯各
隨所寓而賦高齋曰次水門者為白帝城曰依藥餌曰見一川
者則以瀼西東屯作也後人即其處所各肖像以高齋名之所
以紀其舊游而欽其風致庶幾尚友之意云爾今東屯白帝城
齋像俱存而瀼西居按圖經所載漕廨即其故地嘗詢之故老

謂舊亦有祠不知廢於何年而齋顏則前使者范公孫移之東
路蓋猶未遠遂使故地寂無一迹良可慨嘆屬東堂有臺歲久
弗支梁棟撓折簷楹摧墮一遇震風凌雨凜然有傾壓之懼議
者欲撤去之屢矣予惜其規摹傑壯不忍撤乃鳩巨材積栴栢
運瓦甍葺而新之竹章木介悉從官市不以勞民既成則取前
移於東屯者東齋舊字臨而揭之齋之對舊有公詩石刻成列
因肖公像於其中而祠焉於是遺響復存廢典具舉始有以副
一方之願夫土木興作或得或失聖人必謹書之故考室詠於
周詩復宇歌於魯頌豈以為細故而略乃今起輪奐於將傾揭
全蜀秩文志 卷三十四下 記 讀月草堂

丹青於欲壞退食有地肄業有所以滌塵氣以舒心目政事之暇可不務乎況少陵忠義之氣根於素守雖困躓流落而一日未嘗忘君後之來者儻觀遺像而念其行藏瞻齋顏而企其節義則愛君憂國之念油然而生其補於政治豈淺淺哉予猶有望於後之人嗣而葺之俾勿壞嘉定元年冬廣都費士歿記

重修鹽亭縣解字記

李駿蜀人

高山擁其前雲谿繞平後藤蘿松檜點綴峩峩谷僧居樵徑隱約可辨而縣之公宇巍然介乎其間每輕颺拂木山月正午嵐光照人溪聲漱石倚杖獨立如在畫圖中真隱吏之所居也凡人

之情役於動則不能斂之以歸於靜故景之幽閒閑寂者未免為心中之抑鬱全殺亂目汎濫咽耳浸浸與居闐闐與守天君因之而縈拂則事隨而廢物逐而喪豈勝道哉縣宇久廢不治老屋墮圯前此者非遂以為樂內有所不足則外亦無所顧壞梁壓肩危礎侵步室無容足地而恬不知恠嗚呼彼果何心哉士無窮達隱顯其所以異於人者不因物而隆替得志則窮天下之欲以自奉矢志則斂天下之憂以自戚此世俗之情非君子之心也仲舉之室未必以不掃為是顏子之賢豈特取於陋巷蓋所存者道也道有所勝然後忘物以存我內有所樂然後

捐迹以存心或微而自足或大而從容或闡之以為功或冥之以見志士之所處豈一端哉抱關擊柝隨牒外補豈敢與此知此則知予之用心矣政事之暇鳩工度財修舊補廢而縣之公宇一旦宛然復新非敢以自奉也天下之事興其所當興治其所當治如是而已矣其間掾吏舍宇冗不足道故忽而不書

巴川社倉記

禮部侍郎 度 正邑人

人與物並生於天地之間同於一理均於一氣故君子以為人者同胞之兄弟而物者相與之儕輩也視之如兄弟則必親之而有相友之義焉視之如儕輩則必愛之而無暴殄之失焉知

此則知所以為仁知所以為仁則知所以仁民而愛物矣仁之為道用之一鄉不為不足用之一國不為有餘所施益博濟益衆顧用之何如耳在上而行之則為仁政在下而行之則為仁里里仁之所以為美者非以其有無相調患難相救疾病相扶持故耶往時崇安告旱人將乏食晦庵先生與其鄉之諸賢請於府得粟以貸於其鄉之人免於流離饑孱其年歲則大熟於是收其息之二而藏之既而還其貸於府而以其息為社倉行之數年人以為便淳熙中先生為浙東常平使者以職入對因條其事奏之孝宗皇帝深嘉其意頒之天下於是所在好事往

往各以其私穀推行以應詔旨仁聖之澤無遠不被人到於今
賴之近年以來吾鄉之士慕而爲之者三趙飛鳳兄弟行之龍
多景元一等行之巴川陳孜等行之巴嶽之下行之巴川者合
二十家爲錢一千緡歲得穀三百石登熟則以價糶之擇一人
以掌其穀之數某月穀價暴貴細民不易則收二分之息而糶
之以濟貧弱以平市價又擇一人以掌其緡之錢藏明年其時
復行其事歲以爲常因其鄉俗之便變而通之於先生條目雖
若稍異然其所以惠利窮困之意大抵同也吾鄉地勢高仰無
隄堰陂塘之利世所謂雷鳴田者五日不雨則枯十日不雨則

槁故豐年常少而凶年常多比年穀價騰涌比之往時不啻三
倍然人心不厭猶有閉糶以待善價者而此二十家者乃獨不
然豈不足以羞其心愧其顏使知所勸慕然則是君之設不惟
可以利濟於人而其所以補益名教之功亦不爲小矣於是景
元一來言曰是二十家其心固未嘗不一也而數年之後不能
保其無倦他日若子若孫又不能保其行之而不廢願一言記
之庶其知所警懼而傳之無窮也先正曰天下之道二仁與不
仁而已乘時射利者龍斷之賤夫也愍細民之艱棘不易而思
有以惠利之者仁人君子之用心也使夫在事者因其貪鄙苟

賤從而賤之因其用心之近於仁人君子而時加貴重之則孰不勉於為善又安用記為也雖然或者有所未暇矣無已則有一焉今二十家之所以為此者是必有聞於前賢矣且人物之生本同於一氣也見其一原也則其於人也豈不如兄弟手足其於物也豈不如鄉黨儕輩詩云兄弟孔懷又云兄弟急難行道之人顛連無告而莫之顧者有矣未有手足兄弟顛連無告而不為之惻然動心者也故凡二十家所以不謀而同不約而合者非有見於此邪既以此而開其始欲戒其終使後世子孫循之而不廢則莫若讀書而講學讀書則理明義精講學則行

著習察仁民愛物之心愈久愈光大矣夫如是窮則行之一鄉達則行之一國以至推之當世是烏可得已也故曰欲戒其終使不倦且使後世子孫循之而不廢莫若讀書而講學皆應曰然遂書以為記

長寧重建縣廳記

明 周洪謨

長寧古梁州之域天文東井輿鬼分野輿地廣記以為漢犍為郡漢陽縣地舊志以為犍為郡江陽縣地薛常州季宣輿地叢考以為漢牂牁郡之營縣地三者之說不同蓋犍為今叙州漢陽今慶符江陽今江安而營在瀘州界外自漢而下縣境所附

當作常

鹽作監

十六 肆百貳拾肆

雖變易不常要之實介三邑間也縣西南東皆隣乎夷是以當
 有夷患在宋祥符中瀘夷斗望燒清井鹽政和中五斗夷卜籠
 卜漏剽掠村邑元至元間大壩山都掌夷結孛子蠻燒長寧軍
 國朝洪武以來前諸夷種族時屢出劫落而為害未甚惟庚午
 春合兵共屠長寧焚民廬舍千餘區縣之廳宇既煨燼後前尹
 朱公思通今尹李公顯相繼修復魏乎其前者為治事之廳與
 乎其後者為退思之堂翼乎其左右者為分理案牘之所以至
 譙門廨舍倉庫壁不畢具縣治自南面洪武中始易以東向今因
 之既而李公遣人來求為記於乎廳宇完且美矣而齊民之奴

虜猶有未贖者也瘡痍猶有未差者也暴骸巖壑猶有未藏者也
 託栖蓬華猶有未寧者也可不為之太息而痛哭哉為之計者
 莫若益高其城益深其塹詰戎兵練士卒入以固守出以克敵
 則庶乎其可也夫以宅諸夷之淵藪而狃於宴安弛其武備何
 異入虎穴而不操尺寸之兵者哉將委其身以填虎腹不亦悲
 乎予故詳縣之形勢不能不受敵與夫不可不用武之故以告
 為民父母者

中江重建縣廳記

周洪謨

中江隋元武邑又曰凱州至宋始改今名隸潼川府而潼川舊
 全蜀秩文志

卷三十四下 記

讀川草堂

志謂潼川壤地瘠薄民物之產不及西川一大縣則中江之風
 土大略可知歷代以來為中江而顯者未見其人得非以其邑
 小民貧雖善政不足以樹聲聞與由今尹胡君叔寶觀之則殆
 不然君浙之永康人先為是邑典史律已公而撫民惠在官八
 年始終如一今吏部尚書兼翰林學士河南李公向嘗奉勅之
 蜀糾覈吏治乃以君治績上於朝而邑民亦詣闕言其狀遂進
 今職邑素寡桑麻桐棗椒漆之屬君教民樹藝遂享其利邑素
 無陂塘隄堰君教民鑿築而灌溉隄防咸有其備比歲以來置
 義倉於山迴保安二鎮以賑歲饑而民不困敦重學政修大成

殿及門廡堂齋以至祀典諸神之祠宇壇場邑之杠梁道路故
 者以新做者以理覆者以密蓋者以堅諸廢既興乃葺其治事
 之廳聽之後為堂廳之前左右為分理案牘之所又其前為麗
 譙煥然奕然美於舊規經始於丙子之五月而成於明年之九
 月凡所費皆出帑藏之餘而無斂於民雖勞民而民樂之既而
 其父老寓書於其邑進士徐英曰願子達之周太史請筆之石
 英以示予予嘉君為政有序而聲聞達於上下則知古今之為
 是邑而無顯者是果繫夫國小民貧哉譬之中下之田深耕易
 耨而所獲有不減膏腴之地者在人力而不在土地也予故為

全蜀統文志卷三十五 升菴原本
江陵朱雲煥退唐

記丙

禮殿柱記 見洪适隸釋

漢初平五年倉龍甲戌旻天季月修舊築周公禮殿始自文翁
應期肇慶開建頰宮立堂布觀廟門相鉤鞞司慢延公辟相承
至于甲午故府梓潼文君增造吏寺二百餘間四百年之間變
異遙起旋機離常玉衡失統強桀拜兼人懷僥幸戰兵雷合民
全蜀統文志 卷三十五 記 讀月草堂

散失命烈火飛炎一都之舍官民寺室同日一朝合為灰炭獨
留文翁石室廟門之兩觀禮樂崩塌風俗混亂誦讀已絕倚席
離散夫禮興則國化郡將陳留高君節符興境迄斯十有三載
會缺復亂缺慮匡救濟民塗炭閔斯缺虛缺三缺冠缺學者表儀缺
字缺大小推誠興復第館八音克諧鬼方來觀為後昌基缺神不
缺

周公禮殿記見史子堅辭格

漢初平五年蒼龍甲戌旻天季月修舊築周公禮殿始自文翁
應期肇度開建頌宮立堂布觀至於甲午故府梓潼文君增造

吏寺二百餘間四百年之際璇璣離常玉衡失統豪傑并兼人
懷僥倖戰兵雷合民散失命烈火飛炎一都之舍官民寺室變
為灰燼留文翁室廟門之兩觀禮樂崩壞風俗混亂誦讀已絕
不四明夫禮興則民淳樂興則國化郡將陳留高君四節符興境迄
斯十三載七不七明救民塗炭二不二明興復學舍八音克諧鬼方來觀
缺右周公禮殿記前所載見洪适隸釋後所載
見史子堅辭格中有數字不同並載之以備參考

益州夫子廟碑記唐王勃

述夫帝車南指道七曜於中階華蓋西臨藏五雲於太甲雖復
星辰蕩越三元之軌躅可尋雷雨沸騰六氣之經綸有序然則

撫銅渾而觀變化則萬象之動不足多也握瑤鏡而臨事業則萬機之溱不足大也故知功有所服龜龍不能謝鱗介之尊器有所歸江漢不能竊朝宗之柄是以朱陽登而九有照紫泉清而萬物覩粵若皇靈草昧風驪爰河洛之圖帝象權輿雲鳳錫乾坤之瑞高辛堯舜氏沒大夏殷周氏作達其變遂成天下之文極其數遂定天下之象衣冠度律隨鼎器而重光玉帛謳歌及宗禮而大備洎乎三川失御九服蒙塵俎豆喪而王澤竭鐘鼓衰而頌聲寢召陵高曾諸侯輕漢水之威踐土同盟天子窘河陽之召三徽制度乘戰道而橫流千載英華與王風而掃地

徵集作微

不可以下脫一句集作大業不可以終喪義倫不可以遂絕河洛作山河

戴作載

仁義作人儀侯攷備作構

替像二字作虎踞

大業不可以遂絕由是河洛兆朕素王開受天之符天地氤氳元聖舉乘時之策興九圍之廢典振六合之頽綱有道存焉斯文備矣夫子姓孔氏諱某字仲尼魯國陬人也帝天乙之靈苗宋微子之洪緒自元禽翦夏俘寶玉於南巢白馬朝周戴旌旗於北面五遷神器琮璜高列帝之榮三命雄圖鐘鼎冠承家之禮商邱誕睿下屬於防山泗水載靈遙馳於汶上禮樂由其輸委仁義所以來蘇排禍亂而備乾元掃荒屯而樹真宰聖人之大業也若乃承百王之丕運總千聖之殊姿人靈昭有作之期嶽瀆降非常之表珠衡玉斗徵象緯於天經贊像龍尊集風雲

全蜀秩文志

卷三十五

記

讀月草堂

暇作暇

海作浪

袂作袂

袂作秩

撥作揆 鍊作錄

於地紀亦猶三階暇月恒星知太紫之宮八柱衡霄羣嶺辨中
三 肆百伍拾貳
 黃之宅聖人之至象也若乃順時而動用晦而明紆聖哲於常
 師混波流於下問太陽停午收燭火於丹衡滄海浮天控涓滲
 於翠渚西周捧袂僊公留紫氣之書東海摠衣鄒子叙青雲之
 袂接輿非聖詢去就於狂歌童子何知屈炎涼於詭問聖人之
 降跡也若乃參神撥訓鍊道和倪辱太白於中郊絳乘黃於下
 邑湛無爲之跡而衆務同拜馳不言之化而羣方取則雖復霓
 旌雨旆齊人張夾谷之威八佾三雍桓氏逼公宮之制滄平歷
 階而進宣武備而斬佞優推義而行肅刑書而誅正師用能使

拱作授

符作製

三上脫法字

四方知罪爭歸舊好之田三家變色願執陪臣之禮聖人之成
 務也若乃乘機動用歷聘栖遑神經幽顯志大宇宙東西南北
 推心於暴亂之朝恭儉温良拱手於危亡之國道之將行也命
 道之將廢也命歸齊去魯發浩歎於衰周尼宋圍陳奏悲歌於
 下蔡聖人之救時也若乃筐篚六藝笙簧五典折旋洙泗之間
 探蹟唐虞之際三千弟子攀睿化而升堂七十門人奉洪規而
 入室從周定禮憲章知損益之源反魯裁詩雅頌得絃歌之旨
 備物而存道下學而上達援神叙教降赤符於南宮運斗陳經
 動元符於北洛聖人之立教也若乃觀象設教三百八十四爻
全蜀秩文志 卷三十五 記 讀月草堂

一作一

四十有九窮神知化應萬二千五百五十有五成變化而行鬼神觀陰陽而倚天地以鼓天下之動以定天下之疑索象妙於重元纂羣微於太素聖人之讚易也若乃靈襟不測睿視無涯石罅昭集隼之庭土缶驗犢羊之井稽山南望識皓骨於封禺蠡測東浮考丹萃於夢渚麟圖鑒遠金編題佐漢之符鳳德鉤深玉策筮亡秦之兆聖人之觀化也時義遠矣能事畢矣然後拂衣方外脫屣人間奠楹興夕夢之災負杖起晨歌之跡撓虹梁於大厦物莫能宗推日觀於魯邱吾將安仰明均兩曜不能遷代謝之期序合四時不能革盈虛之數適來夫子時也適去

四

肆百伍拾貳

脫四句不有句下集有用九五而長驅成而勿居撫雲霓而高視聖人之應化也自二十三字無用而不窮四字春秋之幅作輻五教之五作四

民各集作人遊唐諱也

夫子順也為而不有用而不窮五教遠而微言絕十哲喪而大義乖九師爭大易之門五傳裂春秋之幅六體分於楚晉四始派於齊韓淹中之妙鍵不追稷下之高風代起百家騰躍攀戶牖而同歸萬匠驅馳仰陶鈞而共貫猶使絲簧金石長縣闕里之堂荆棘蓬蒿不入昌平之墓聖人之遺風也遵揚十聖光被六虛乘素履而保安貞垂黃裳而獲元吉故能貴而無位履端於太極之初高而無名布政於皇王之首千秋所不能易百代所不能移萬乘資以興衰四海由其輕重雖復質文交映瞻禰祀而長存金火遞遷奉琴書而罔絕蓋易曰觀乎人文以化成

全蜀統文志

卷三十五

記

讀月草堂

觀作以伏作服

五

肆百伍拾貳

宗祖作祖宗

臣作臣

廉作廉

混作混

天下又云聖人觀神道設教而萬物伏焉豈古之聰明睿知神武而不殺者夫國家襲宇宙之淳精據明靈之寶位高祖武皇帝以黃旗問罪仗金策以勞華夷太宗文皇帝以朱翟承天穆玉衡而正區宇皇上宣宗祖之累洽奉文武之重光稽歷數而坐明堂陳禮容而謁太廟八神齊饗佇旒太史之宮六辨同和駐蹕華胥之野文物隱地聲明動天樂繁九俗禮盛三古冠帶混拜之所書軌八紘閭閻兼臣之鄉煙火四極竭河追日夸父力盡於楹間越海陵山豎亥塗窮於廉下薰腴廣被景既潛周乾象著而常文清坤靈滋而象寶丹混金溢於紫洞雨露均華

真作真

禦作禦

署作署

銅作銅

緬玉燭於元都風雷順軌丹冥翠菌藻繪軒庭鳳彩龍姿激揚池禦殊微盼蠶不召而自至茂祉昭彰無幽而不洽雖復帝臣南面降衢室而無為岱畎東臨陟名山而有事靈命不可以辭也大典不可以推也由是六戎宵警橫紫殿而縱金五校晨驅蹴元雲而噴玉星羅海運嶽鎮川渟登碧墀而會神祇御元壇而禮天地金箱玉冊益睿算於無疆玳檢銀圖署靈機於不竭功既成矣道既貞矣歷先王之舊國懷列聖之遺塵翔赤驥而下云亭吟翠虬而望鄒魯泗濱休駕杳疑汾水之陽尼岫凝鑿暫似銅山之典迺下詔曰可追贈太師託鹽梅於異代鼎路生

全蜀稊文志

卷三十五

記

讀月草堂

邇作如

狷作屬 羸作縈

踰作渝

光寄舟楫於同時泉塗改照咸亨元年又下詔曰宣尼有縱自
 天體膺上哲合兩儀之簡易為億載之師表願惟寢廟義在欽
 崇邇聞諸州縣孔子廟堂及學館有破壞竝向來未造生徒無
 肄業之所先師闕奠祭之儀久致飄零深非敬本宜令諸州縣
 速加營葺九隴縣學廟堂者大唐龍朔三年鄉人之所建也爾
 其州分化鳥境徇蹲鳴羸錦室於中區託銅梁於右地玉輪斜
 界神龍蟠沮澤之雲石鏡遙臨寶牒秘禺山之影天帝會昌之
 國上照乾維英靈秀出之鄉傍清地絡庠序由其糾合纓弁所
 以會同文翁之景化不踰智士之風猷自遠於是雙川舊老攀

六

肆百伍拾貳

相作想

際作際

曾作層

刑作形

細作緇

化作俗

緒上脫允字

帝獎而翹心三蜀名儒相成均而變色探周規於舊宅詢漢制
 於新都開基於四會之塵授矩於三農之際土階無級就擊壤
 於新懽茅茨不翦易曾巢於故事莊壇文杏即架椽欒夾谷幽
 蘭爰疏戶牖儀刑莞爾似聞沂水之歌列侍間如若奉農山之
 對緇帷曉闕橫紐帶於西河絳帳宵懸聚青衿於北海雖秋禮
 冬詩之化以洽於齊人而宣風觀化之規實歸於上宰銀青光
 祿大夫譙國公諱崇義大武皇帝之支孫河間大王之長子高
 秋九月振玉贗於唐邱寶筭于齡躍璇蚪於大渚我國家靈命
 東朝抗裘冕之尊宗子維城南面襲軒裳之重析乎元之緒擁
 全蜀稭文志

卷三十五

記

讀月草堂

位上脫懸字璋作章

鑽作瑣絕作紀

江作雲粹精作精粹
待作荷
曾作厝

朱虛之位拜玉節於秦京輝金璋於蜀郡元機應物潛銷水恠
之災丹筆申冤俯絕山精之訟魏文侯之擁篲道在而謙尊重
相國之垂帷風行而俗易司馬宇文公諱純河南洛陽人也皇
根帝緒列五鼎於三朝青鑽丹梯跨千尋於十絕仲舉激清之
轡未極夷塗士元卿相之材先登上佐冰壺精鑒遙清玉壘之
郊霜鏡懸明下映金城之域縣令柳公諱明字太易河東人也
梁岳之英長河之靈沐江漢之粹精待天衢之元亨旌旗赫奕
於中古珪組陸離於下葉鳳巖抽律擢曾秀於龍門驪穴騰姿
吐榮光於貝闕自朱絲就刻光膺合宰之榮墨綬馳芬高踐郎

七

肆百伍拾貳

意作惠

十作上宗師作師宗

履作頌

環作瓊瓊疑誤存攷

官之右仙鳧日舉影入銅章乳翟朝飛聲含玉軫臨邛客位自
高文雅之庭彭澤賓門猶主壺觴之境曠懷足以御物長策足
以服人重泉之意訓大行單父之謳謠遂遠猶為夏絃春誦俗
化之樞機西序東膠政刑之根本上祇朝憲下奉藩維爰搜複
廟之儀載闡重欄之制三門四表煥矣維新十哲宗師肅焉知
在將使圓冠方履再行鄒魯之風銳氣英聲一變寶渝之俗於
是侍郎幽思摛鳳藻於環林丞相高材排龍姿於璧沼遺榮處
士開簾詮孝悌之機頌德賢臣持節聽中和之樂其為政也可
久其為志也可大方當變化台極儀刑萬宇豈徒偃仰廳事風

全蜀秩文志

卷三十五

記

讀月草堂

精作情 栖皇作極
追 毀作壞 制無
作朝燕 既作已
升作外入作內

教一同而已哉勃幼乏逸才少有奇志虛舟獨泛乘學海之波
瀾直轡高驅踐詞場之閭闕觀質文之否泰衆矣考聖賢之去
就多矣自生人以來未有如夫子者也嗟呼今古代絕江湖路
遠恨不得親承妙旨攝齊於游夏之間躬奉德音攘袂於天人
之際撫聲名而永悼瞻棟宇而長懷嗚呼哀哉敢為銘曰
五帝既沒
三工不歸天地震動陰陽亂飛山崩海竭月缺星圍禮樂無主
宗禋遂微大哉神聖與時迴薄應運而生繼天而作龍躍浩
蕩鵬飛廖廓奄有人宗遂荒天爵尼山降彩泗濱騰氣志匡
六合神經萬類夾谷登庸中都歷試睿精貫一元猷絕四
皇教跡寂冥河圖圍齊出宋歷楚辭吳風哀俗毀禮去制無麟
書既卷鳳德終孤杏杏靈命在結天秩吾道難行斯文易失
式宣六藝再成四術虛往實歸升堂入室選矣能仁悠哉化
士力制羣粹權傾終古陸離彩榮彈聯茅土涉海輕河登山小

八 伍百肆拾陸

秦作脊坡作坂高風
作風高 渾作澤

遂作迷 天作夫

宗集作崇侯考

傳 皇家載造神風四極檢玉題神繩金署德車懷聖跡同亨
天則迺春台庭麥昇玄職 玉津同派金堤茂坂智士高風文
翁渾遠吐浮壤沃聲和俗愿載啟仁祠遂光儒苑 沈沈壺輿
肅肅局除靈儀若在列既如初槐新市密杏古壇疎楹疑置奠
壁似藏書 泛泛寰中悠悠天下徇名則衆知音
蓋寡煥石參瓊遂風亂雅仲尼既沒天何爲者
大唐益州大都督府新都縣學先師廟堂碑文并楊炯
敘曰銀衡用九天門壓西北之荒銅蓋虛三地戶拆東南之野
迴七星於上列太清不能潛混茫之機環四海於中州巨塊不
能秘生成之業聖人有以見天下之蹟擬諸形容聖人有以見
天下之動行其典禮靈圖廣運百姓日用而不知神理潛行萬
方樂推而不厭古者熊山南眺金宗橫上帝之居鳳穴西臨玉
全蜀稊文志 卷三十五 記 讀月草堂

罕作汗

社作社

九 伍百零陸

聖者爰皇之宅五龍乘正按天讖以希微六羽提衡驗星謠而罕漫洎乎尊盧赫胥之化驪連栗陸之君皇名邁於上元帝圖始於中葉莫不憑三靈之寶位鼓舞陰陽藉六合之尊名財成宇宙未有貴而無位博而無名大禮由其再造大樂出其一變蕩蕩乎人無得而稱焉巍巍乎其有成功者也若夫司徒立勳於天地還承帝嚳之家微子開國於商周仍纂成湯之業雖元禽歷數推移於景毫之都而白馬旂常赫奕於風邱之國由是千年有屬萬物知歸乾坤合而至德生日月會而明靈降奎婁胃昂風驅白虎之精角亢房心雲鬱青龍之社君王異表儀石

壯作狀上作止鑿下
有就字乾作元粹
作瑞至粹之粹作精

於作之

紉而法陵輔相宏姿壯臯陶而圖子產豈上繫乾象摘光芒於北斗之宮括成地形騰粹氣於東山之曲非天下之至粹其孰能與於此神冥造化德合陶鈞獲沖用於生知運幽幾於性道窮庶事於終始協庶品之自然觀者不識其靈仰者不知其德步三光於太極照曜三門含萬象於中區聲明萬國惟深也能通天下之志惟幾也能成天下之務非天下之至神其孰能與於此道尊德貴挫銳同塵始於中都宰終於大司寇能使長幼異節男女別途路無拾遺器不雕偽奸雄獨立初明兩觀之誅正教未行仍赦同狴之罪盟齊侯而歸四邑裔不亂華黜季氏

全蜀統文志

卷三十一

記

讀月草堂

注作匡

而覆三都家無藏甲非天下之至剛其孰能與此於青光歇滅赤
籙衰微一注為海岱之尊一戰有河陽之霸故得三王不相襲
禮亡於寇戎五帝不相擊入於河海是以哀生靈之板蕩痛
寓縣之分崩歷聘諸侯遯異國其為大也法象莫之能容其
為高也黎元莫之能親時非我與遂尼宋而圍陳道不吾行終
樂天而知命非天下之至柔其孰能與於此太山不辭土壤故
能成其高滄海不讓細流故能成其大自季孫之賜我也交益
親矣自敬叔之乘我也道彌尊矣於是歷郊社之所考明堂之
則金人右對仍觀太祖之階斧展前臨還訪周公之位然後刪

十 肆百伍拾貳

讀作續

詩書而讀易象動天地而感鬼神運百代之舟車開千齡之戶
曠是故雷精日角聞道德而握衣月頰山庭奉琴書而撰杖非
天下之至文其孰能與於此智以藏往有感而必通神以知來
無微而不昭論五行於帝輔潛觀太皞之先揆七廟於天災預
察釐王之過星流十月徵歷象於衰周日洗三江采謠謠於霸
楚神無方而易無體聖人通變化之津河出圖而浴出書聖人
悟與亡之兆非天下之至明其孰能與於此極天蟠地之禮周
旋揖讓之規百神於是會昌二儀以之同節非禮無以別父子
兄弟親疎之序非禮無以辨君臣上下長幼之位本之於元氣
全蜀秩文志

卷三十五 記

讀月草堂

象在德 用作周

獸作武疑原集避
唐諱也
則作制

十一 肆百伍拾叁
徵之於太古象足以法於九圍道足以用於八極服先王之制
度黜紅紫而無施欽上帝之明威感風雷而有變非天下之至
恭其孰能與於此五行四氣十二月還相為本五聲六律十二
管還相為宮至音將簡易同和廣樂與神明合契盛於中國遂
陳武象之容奄有四方自得文王之操南風奏雅知大舜之温
比里宣淫體殷辛之暴非天下之至和其孰能與於此悲夫日
中則昃動靜之常也月滿則虧盈虛之數也自太平王佐委龍
翰於芳年禮義霸臣摧獸文於華月則知天之將喪也則知道
之將廢也雖復頹山壞木兆悲歌於兩楹夏棟周牆陳盛則於

應作膚

薦作游

三禮猶使文明炤爛百王知祭變之機鐘石鏗鏘萬代挹希聲
之樂信可謂備物致用立成器以為天下利者莫大於聖人也
既而三河失統九州之寶幣不歸四塞提衡萬里之長城繼作
星祇日昃乾象暗而恒文乖禮壞樂崩彝倫斁而舊章缺洎夫
碭山休氣潛應赤帝之圖沛國真人密召黃星之錄尊褒成之
厚級殷崇聖之榮班學校於是大興文武由其不墜年當晉宋
運距周隋太山覆而崑崙倒天柱傾而地維絕三重赤暈還開
爭戰之端千里黃埃薦有干戈之務亂罹瘼矣黔首何依王室
蠢然蒼生無主閭閻匝地今來為講武之場荆棘參天昔日作
全蜀秩文志 卷三十五 記 讀月草堂

談經之市皇家撥亂返正應天順人鼓之以雷霆潤之以風雨
馳櫬槍而掃穢上廓鵬雲決河海以激妍下清鼇極今天子握
大象運洪鑪星重輝海重潤乾迴北列垂衣裳於太紫之垣日
出東方備法駕於中黃之道溟滓之無地無天盡入提封伯陽
之有物有象咸乘禮節太階三襲明瑞氣於朱符中極四遊法
祥光於玉燭東膠西序雲閣蓬邱國號陶唐家成鄒魯遂使西
山童子陳詞謠於壁水之前南國老人受几杖於環林之下乾
坤之大德行矣皇王之盛節明矣江蒞部黍晨昏薦帝之祥鳳
穴麟洲屠刻因天之瑞乘輿乃選吉日協靈辰詔風伯以行觀

垣作宮存放

冥澤作混沌

促雷師而出豫房為天駟仍施列缺之鞭斗為帝車即動招搖
之柄奠玉帛奏金絲登介邱下梁甫擁神休而尊明號莫之與
京按玉冊而考銀繩於斯為盛於是迴輿轉旆臨曲阜之郊畿
駐蹕停鑾訪雲壇之軌跡若使九原可作大君得廟廟之材千
載有知夫子託風雲之會即以乾封元年追贈太師禮也感亨
元年又詔曰宣尼有縱自天體膺上哲合兩儀之簡易為億載
之師表顧惟寢廟義在欽崇諸州縣廟堂及學館有破壞拜先
來未造者遂使生徒無肄業之所先師缺奠祭之儀久致飄零
深非敬本宜令州縣速加營葺新都學廟堂者奉詔之所立也

全蜀秩文志

卷三十五

記

讀月草堂

奕作煜

爰作爰

十三 肆百伍拾叁
 因三農之暇陳複道之規考幃帳於西京訪埃塵於東魯梅梁
 桂柱深沈風雨之津鏤檻文樞瞻望江山之表納流雲於上棟
 白日非遙披濁霧於中階青天在矚雕鏤奕窮妙飾於重欄
 山海高深盡靈姿於爰守門生侃侃如陪文杏之壇冒子鏘鏘
 若預崇蘭之室每至南方二月草樹華滋北陸三秋風煙搖落
 莫不列蘋蘩於上席行禮敬於質明奠椒桂於中罇敬神明於
 如在爾其邑居重複原野平蕪出江干之萬里入參星之七度
 龜城藹藹煥繁霞於百尺之樓蛟浦激激洗明月於千秋之水
 文翁舊學日往年歸劉禪平堂煙荒霧慘武侯龍伏猶觀八陣

標作標存考

之圖壯士虵崩仍辯五丁之石左巳右獠之勝域陸海三江之
 輿壤大都督周王天皇第八子也卒元繼天而作降仙才於玉
 斗之庭武昭應運而生開霸業於金城之域五潢高映流滋液
 於咸池十日旁羅散光華於若木星懸帝子遙激井絡之郊岳
 列天孫遠控彭門之野姬公以明德之重行寶化於周南曹植
 以懿親之賢發金聲於魯北通議大夫行長史南陽來恒隋十
 二衛大將軍榮國公之元子申侯太岳鎮其靈標傳說長河昭
 其神彩麗士元蓄西申之逸羽始踐題輿管公明絆東道之雄
 姿初臨別乘朝議大夫守司馬宇文純左衛將軍靈州都督之

次子台門鼎族傳呼榮戟之榮玉質金相海若河宗之寶庾冰
清識得嚴令而非常桓溫貴遊無車公而不樂縣令鄭公嘉榮
陽人也東周玉裔北海金宗列矛戟之森森吐風流而精精尺
兵不用瑕邱有上德之君枹鼓希聞洛陽有神明之宰丞京兆
韋德工主簿扶風馬仁礪尉清河張嗣明北地傳懷愛等荆藍
灼爍鄧杞扶疎許辛度入風月之清關郭林宗獲神仙之妙境
南昌晦跡共梅福而齊衡左部韜真與喬辛而竝列博士張公
鑒助教費仁敬等碧雞雄辯則江海沸騰白鳳宏辭則煙霞噴
薄一州聞道親居典學之宮四子乘風來聽中和之曲圓冠列

表作鳥侯考

機作機

津作精 虵作螭
耀作輝

侍執巾表於西階大帶諸生受詩書於北面泮宮之上更問通
德之門小學之前復見華陰之市鄉望等魚文驥子震耀於平
原漢女巴姬駢羅於甲第杜陵亭長終成輔相之才桐鄉喬夫
且著廉平之號莫不公私務曠即聽絃歌陰雨時閒仍觀俎豆
逍遙城郭拜夫子之靈祠髣髴風塵見夫子之遺像天道之機
衡莫測下問書生陽精之遠近未知來求小子當仁不讓思齊
於上古之名遊聖難言有愧於中郎之石其辭曰太虛寥廓洪
鐘噴薄上綴
三宮旁清八絡元津獨化聖人依作虵杜為居龍門是託爰清
衰序惟寂惟冥龜識類名魚圖表靈火紀雲紀天正地正君
臣禮制宇宙耀明文武既沒成康遂行羣飛海水若羽天星
至筮曾齋金符遠系鐘石離遷山河不替乾坤降德陰陽合契
全蜀秩文志 卷三十五 記 讀丹草堂

停作存攷

准作準
幾作頤

終作鍾
受作授
紀作國湖作胡
月作日
王作皇
紗作絳
丕作披

虎嘯風濤龍騰雲逝三元載停萬方攸濟十五
 存祿終公室政在私門學而方止謙而彌尊聽之也厲卽之也
 溫義責齊國刑懲季孫冬能推聖道廢惟命天下莫怨諸侯
 走聘至於野是國必聞其政仁義立身溫恭成性不圖為樂終悲
 擊磬九野八方為龍為皇從同反魯考夏觀商先王道御夫
 于文章可久可大為龍為皇從同反魯考夏觀商先王道御夫
 神兼論嘿然無我而自思漢承周運亥亡秦國察往知來
 研精茂德無終樂天知命匪我求家北辰之北東海之東百王遺
 適居常待終樂天知命匪我求家北辰之北東海之東百王遺
 訓萬世餘風時亡玉斗運終陽九周井龍沉秦原鹿走生人
 卷舌道蹄口禮樂崩頽典章殘朽萬邦請命三靈受手日
 角昇圖星精應符載揚風教重闡規模數遷三紀年當五湖星
 芒夜指月暈朝枯環林摧折壁沼荒蕪赫矣高祖粵昔稽古
 丕哉文王照臨下土地維旁綴乾絃上補鯤化三千龍飛九五
 爰及列聖重規襲矩我君文思念茲在茲金鏡八海珠囊四
 時三雍九室秋禮冬詩紗帳語道青衿質疑載垂仙渙廣創靈
 嗣丕圖按籍遠求陳跡玉檻煙開金窻兩闌睟儀備備雲居
 寂寂弟子掘衣門人避席階列簞蓋庭羅綺石地接臨邛山

橫劍峯滇池躍馬沮澤蟠龍中望擊節高門叩鐘陰靈胙蠶文
 雅雍容書池必變講席膏車今還古往寂寥無尚大山既頽
 吾將安仰梁木斯壞吾將安傲異代風行
 殊塗影響敢立言而徵聖冀得意而忘象

初唐四傑集近有乾隆辛丑星渚項家達刊本削刷頗精而亦間有譌誤今據以校此書所收四傑詩文其互異及未可確據者亦標出以俟考丙寅八月二十四日丙夜藹識

